



King County

HEARING EXAMINER GUIDE

FOR-HIRE DRIVER'S LICENSE APPEALS

Somali



Hagaha Baadhaha Maqalka Loogu Talagalay - Racfaanada Laysinka Kireysiga Daraawalada

Waa maxay hagahan?

Hagahan wuxuu soo koobayaa habraacay baaritaanka dhageysiga ee racfaanada kireysiga daraawalka. Waxaa loogu talagalay in lagu caawiyo dadka aan aqoonta lahayn, mana sito miisaan sharci ah. Baaraha ayaa weydiinaya qofka su'aalaha.

Waa kuma baaraha?

Baaraha waxaa magacaabay Golaha Deegaanka ee Degmada King si uu u qabto dhagaysiyada una soo saaro go'aano racfaanada ee amarada Qaybaha Diiwaanada iyo Laysinka (RALS) ee King County ee laxiriira kireysiga darawallada. Baaraha waa go'aan gaare dhexdhexaad ah, si la mid ah garsooraha. Xafiiska baaraha wuxuu u shaqeeyaa golaha, *uma* shaqeeyo RALS.

Ka waran helitaankana?

Tarjumaadda luqadda astaanta ayaa lagu heli karaa, bilaash ah, adigoo wacaya lambarka TDD (206) 296-1024.

Turjubaaadao aan luqadda Ingiriisiga ahayn ayaa la heli karaa, bilaash ah. Kuwa caqabado ka haysta safarka, la xiriir baaraha si aad ugala hadasho wadooyinka kale, sida inaad kaga soo muuqato dhageysiga taleefan ahaan. Wac (206) 477-0860 ama iimayl u dir hearingexaminer@kingcounty.gov. Fadlan codsiga dirso wakhti hore ee hanaanka.

Sideed ku bilaabi kartaa racfaankaaga?

Dadka hela amarka RALS waxay racfaan ka qaadan karaan in baaraha uu dhageysto qaybta dacwada ee Degmada King County. Ma jiraan wax khidmad lagaaga qaadayo racfaanka, laakiin saddexda shuruudood ee soo socda *waa in* la buuxiyo:

1. **Wagtiga.** Waqtiga kama dambaysta ah ee la soo gudbin karo racfaankaaga waa 24 maalmood ka dib markay RALS *soo saarto* go'aankeeda. Markay RALS shaqsiyan u soo saarto amar, saacaddu waxay bilaabanaysaa maalintaas. Markay RALS amar soo dirto, saacaddu waxay bilaabanaysaa taariikhda ay RALS boostada ku soo dirtay, ee *ma ahan* taariikhda aad dhab ahaan heshay.
2. **Gaarsiinta.** Inaad bayaankaaga racfaanka ka hesho xafiiska boostada waqtiga kama dambaysta ah *kuma* filna. RALS waa inay dhab ahaan *heshaa* racfaankaaga waqtiga kama dambaysta ah (oo ku soo dirista boostada inta badan waxay qaadataa dhowr maalmood). Racfaanka aan waqtigii loogu talagalay lagu soo dirin lama oggola – ma jirto dabacsanaan. Tani waxaa laga yaabaa inaysan u muuqan mid cadaalad ah, laakiin waa sharciga. Waxaad racfaankaaga ku soo gudbin kartaa:

- boostada ama waxaad shaqsi ahaan (eeg <https://kingcounty.gov/depts/records-licensing.aspx> saacadaha xafiiska) u keeni kartaa 500 Fourth Avenue, Room 403, Seattle, WA, 98104;

- iimayl ahaan ugu dir ForHireDriver@kingcounty.gov (weydii RALS inay xaqiijiyaan helitaanka iimaylka); ama
- fakismayl ugu dir (206) 296-4029.

3. Waxyaabaha ku jira. Bayaankaaga racfaanka waa inay kujiraan:

- Nuqulka go'aanka(nada) RALS ee aad racfaanka ka qaadanayso ama lambarka(lambarada) faylasha RALS iyo taariikhda(aha) go'aanka midkood;
- Sharaxaad ku saabsan sida aad u rabto kiiska (tusaale ahaan, waxaad raadinaysaa laysin);
- Khaladka(daadka) aad u maleyneyso in RALS ay ku gaareen go'aankeeda ("Xadgudubkaas waa la laalay," ama "Waxaan dalbanayaa dambi kaas ka yar," ama "_____way dhacday, laakiin _____," iwm);
- Sababta(baha) gaarka ah ee aad u maleynaysid in go'aanka(nada) RALS ay tahay in dib looga noqdo ("_____waa inaysan noqon inaan waayo liisankayga," iwm) ama wax laga beddelo ("Ganaaxa waa mid aad u badan," iwm);
- Sidee go'aanka(nada) RALS kuu waxyeelaynayaan ama waxyeelo kuugu geysanayaan ("Laysin la'aan, aniga _____"); iyo
- Maxay yihiin natiijada(jooyinka) aad raadineyso ("Diiditaanka diidmada," ama "Yareynta ganaaxa," iwm).

In kasta oo racfaankaagu uusan ahayn inay u jiraan dhammaan caddeynmaha (sida dukumiinti) aad rabto inaad u soo gudbisno si uu kaaga caawiyo rafcaankaaga, waa inay ku jiraan dhammaan arrimaha aad rabto inaad soo bandhigto — eeg (c) iyo (d) ee kore. Haddii aadan hubin waxa saxda ah ee aad sheegto, xaqiiji inaad wali heshid *racfaan*, xitaa haddii uusan dhameystirneyn, oo loo keeno RALS waqtiga kama dambaysta ah.

Haddii aad rafcaankaagii hore aad ka hesho RALS waqtigii loogu talagalay, baaraha wuxuu awood u leeyahay inuu hadhow kuu oggolaado, dhageysiga ka hor, inaad wax ka bedesho ama wax ku darto arrimaha aad markii hore soo hadal qaaday. Laakiin, baaruhu awood uma laha inuu dhageysto racfaan haddii bayaankaagii hore ee racfaanka uusan soo gaarin RALS waqtigii loogu talagalay. **Wax kastoo aad sameyso, xaqiiji in RALS ay helaan racfaankaaga waqtiga loo qabtay!**

Gudbinta racfaanka waqtiga ku haboon kaama hor istaageyso inaad xalliso kiiskaaga adigoo aadin dhageysiga maxkamadda. Waxay ilaalinaysaa xuquuqdaada ah inaad diiddo go'aanka RALS. Haddii kale go'aanka RALS wuxuu noqonayaa midka kama dambaysta ah oo aan laga hor imaan karin mar haddii waqtiga kama dambaysta ah ee racfaanka la dhaafo.

Kawaran haddii RALS ay diidaan laysinka degmada iyo laysinka Seattle *labadaba?*

Baaraha wuxuu awood u leeyahay oo keliya xukunka go'aanka RALS ee la xiriira laysinkaaga *degmada*. Haddii aad rabto inaad ka hortimaado diidmada laysinka si aad rakaab uga qaadiid Seattle, waxaad u baahan tahay inaad rafcaan ka qaadata *Seattle*. Bogga ugu dambeeya ee go'aanka RALS wuxuu taxayaa faahfaahintaas. La soco, muddada racfaanka Seattle (10 maalmood) aad ayay uga gaaban tahay mida degmada (24 maalmood).

Weli ma wadi karaa baabuur inta racfaankeygu laga shaqeeynaayo?

Haddii aad tahay codsade cusub ee laysinka/ruqsada kireysiga, ama aad tahay darawal horay loogu oggolaaday/laysin haystay oo gasho nasasho dhanka adeegga ah in ka badan hal sano, waxaa laga yaabaa inaad qaadi karin rakaab ilaa uu baaraha ka go'aamiyo kiiskaaga.

Haddii aad hadda haysato oggolaansho/laysin, oo RALS ay diideen codsigaaga cusboonaysiinta, ama fasaxeen/kaala noqdeen mudnaantaada wadista gaariga, waxaad sii wadi kartaa inaad rakaab qaado inta baadhuhu ka tixgalinayo racfaankaaga. Haddii ruqsadaada/liisankaaga (oo ay ku jiraan kuwa ku meelgaar ah) uu dhacayo ka hor inta uusan baaraha soo saarin go'aanka, waa inaad RALS ka heshaa rukhsad/laysin ku meelgaar ah oo cusub (ama la kordhiyay).

Dhexdhexaadin ma suurogal baa?

Dhexdhexaadin ayaa la heli karaa. Sharciga Baaraha Hubinta Hore V (linkiga laga helo dhanka hoose). Si loo bilaabo dhexdhexaadin, gudbiso codsi qoraal ah inta lagu jiro bilowga habraaca.

Maxaad filan kartaa dhageysiga kahor?

Ugu yaraan laba toddobaad ka hor dhageysiga, baaraha wuxuu soo diri doonaa ogeysiis. Si taxaddar leh u akhri ogeysiiskaas. Wuxuu qeexayaa maalinta, waqtiga, iyo qaabka (taleefan, fiidiyow, shaqsi ahaan, iwm.) ee dhagaysiga. Badanaa waxaa ku jiraa tarjumaadaha arimaha loogu talagalay dhageysiga iyo fikradaha ku saabsan xalka suurtagalka ah. Wuxuu qeexayaa waqtiyada kama dambaysta ah ee wax ka beddelka arrimaha aad ku sheegtey bayaankaaga racfaanka (sida kor lagu sharaxay) iyo dirista wixii macluumaad ah ee looga baahan yahay dhageysiga *kahor*.

Laba toddobaad ka hor dhageysiga, RALS waxay qollooyinka dhageysiga ku lug leh u gudbineysaa, dadka xiisaynaya, iyo baaraha warbixin soo koobaya arrimaha iyagoo soo diraya qaar ama dhammaan dukumiintiyada ay RALS damacsan tahay inay soo badhigto xilliga dhageysiga. Si taxaddar leh u akhri dukumentiyadaas.

Faylasha RALS ee kiisku waa diiwaano u furan dadweynaha; qof kasta oo raba inuu dib u eego galka oo dhan kahor dhageysiga wuxuu sidaas la qorsheyn karaa RALS (iimayl ahaan pd.requests@kingcounty.gov ama wicitaan (206) 263-1977). Qof kastaa wuxuu sidoo kale codsan karaa dukumiintiyada baaraha; diiwaanka baaraha waxaa badanaa lagu heli karaa qaab elektaroonig ah, caadi ahaan lacag la'aan.

Yaa ka qaybqaadan kara habraaca rafcaanka?

Caadi ahaan, kaliya RALS iyo qofka gudbiyey racfaanka ayaa ku lug leh arrimaha sida qosheynta (dib u qorsheynta) shir ama dhageysi, qeexitaanka waqtiyada kama dambaysta ah, sameynta ama ka jawaabista mooshinnada, iyo go'aaminta caddeynta la soo bandhigayo, markhaatiyaasha la wacayo, iyo su'aalaha la isku weydiinayo dhagaysiga.

Dadka kale oo daneynaya kiiska waxay codsan karaan aqoonsiga "soo dhexgelida" si ay u noqdaan qollo ku lug leh. Fadlan dib u eeg Sharciga Baaraha X.B (linkiga hoose) si aad u hesho wixii macluumaad ah ee ku saabsan codsashada arrintan. Codsiyada soo-dhexgalaha si otomaatig ah looma aqbalo, laakiin waxaa dib loogu eegaa dhowr shuruudood oo gaar ah.

Maxaa caadi ahaan ka dhaca dhageysiga racfaanka?

Waa maxay waqtiga iyo qaabka dhageysiga?

Ogeysiiska uu baaraha soo diro ayaa qeexaya maalinta, waqtiga, iyo qaabka (taleefanka, fiidiyowga, qof ahaan, iwm.) ee dhageysiga; si taxaddar leh u akhri. Iyadoo aan loo eegin qaabka dhageysiga, ku imaaw wakhtigii loogu talagalay, ama waxaad waayi kartaa xuquuqdaada. Mararka qaarkood, dhageysi ka horeeya kiiska ayaa qaadan kara waqti dheeri ah wuxuuna dib u dhigayaa dhageysiga xiga bilowgiisa; haddii taasi dhacdo, fadlan dulqaado.

Maxay yihiin arrimaha caadiga ah?

In kasta oo kiis kastaa uu kuwa kale ka duwan yahay, guud ahaan, walxaha qaarkood (sida ka-saarista macluumaadka muhiimka ah ee codsigaaga, ama xukun la xiriira darawalnimo adigoo sakhsaansan) waxay keenaan diidmo *khasab ah*. Qodobada kale (sida xukun ciqaabeed ama dhowr xadgudubyo oo yar oo la xiriira darawalnimo) ayaa laga yaabaa inay ka dhashaan aan inaysan ka dhalan diidmo.

Miyaan ka doodi karaa xukun hore loo gaaray?

Maya. Baarahu dib uma tixgelin karo waxa ay booliska, garyaqaanka, eedeysanaha, ama maxkamaddu ay ahayd inay ku sameeyeen kiis hore. Waad *sharxi* kartaa, ama aad ka bixin kartaa macna guud, xukun ama xadgudub, laakiin halkii diiwaankaagu sheegayo wax kale kama doodi kartid inaad dembi ama xadgudub geysatay. Taabadalkeed, baaraha ayaa go'aan ka gaaraya in, iyadoo la *tixgelinayo* diiwaankaaga iyo wixii macluumaad cusub ah, inuu ku siiyo racfaankaaga.

Sidee ayuu dhagaysigu u socon doonaa?

1. Maadaama RALS ay xambaarsan yihiin culeyska caddeynta la xiriira wixii arrimo ah ee aad ku soo hadal qaadday racfaankaaga, RALS waa inay marka hore bilowdaa. RALS waxay soo bandhigeysaa markhaati waxayna bixinaysaa dukumiintiyadeeda, caadi ahaan kaliya dukumentiyada ay RALS soo dirtay laba todobaad kahor dhageysiga. In kasta oo baarayaasha ay leeyihiin xuduudo ka hooseysa oo la xiriira qiritaanka caddaynta marka loo barbardhigo maxkamadaha, laakiin waxaad ka diidi kartaa wixii diidmo qaas ah ee la xiriira dukumintiyada. Waaad su'aali kartaa markhaati kasta.
2. Kadibna, waa adiga tookadaada inaad inaad bixiso wixii markhaati ah iyo wixii dukumiinti ah; RALS waxay soo bandhigi karaan wixii diidmo ah waxayna ku weydiin karaan su'aalo. RALS sidoo kale waxay su'aali karaan markhaati kasta oo aad soo bandhigto.
3. Dhageysiga shaqsi ahaan loo tago, qof kasta oo doonaya inuu soo bandhigo dukumiinti waa inuu la yimaadaa ugu yaraan saddex nuqul. (Kafiiri ogeysiiska baaraha si aad uga ogaato wixii ku saabsan wakhtiyada kama dambeys ah ee dhageysiga kahor ah.)
4. Intaas ka dib, qollo walba waxay haysataa waqti ay kaga jawaabaan waxay qollada kale soo bandhigtey, waxaana ku xiga hadalo kooban oo xiritaan ah.
5. Waqti kasta, baaraha ayaa su'aalo weydiin kara dadka.
6. Dhamaan wixii markhaati kicin ah waa in loo dhaartaa, taas oo micnaheedu tahay in baaraha uu dhaarinaayo markhaati kasta.

Sideen ku soo bandhigi karaa kiiska ugu fiican?

Si taxaddar leh u akhri ogeysiiska uu baaruhu soo dirayo. Markhaati iyo dood wax ku ool ah ayaa badanaa sharrax ka bixisa sida sharciyada qaar u khuseeyaan kiiskaaga. Bandhigu wuxuu noqon karaa qaab qoraal ah, bayaano qoraal ah, sawirro, diiwaanno duuban fiidiyow ah, iyo muuqaalo.

Bayaanada la bixiyo inta lagu guda jiro dhageysiga, iyadoo la dhaartay oo ayna tahay in la sii baaro (su'aalo la iska weydiiyo), ayaa guud ahaan la siiyaa tixgelinta ugu badan. Waxaad soo bandhigi kartaa dukumiintyo iyo markhaati sharaxaya shaqo kasta oo aad qabatay si aad wax uga qabato xaaladda.

Ka waran duubitaanka dhageysiga?

Dhageysigaaga waa la duubayaa, waxaadna codsan kartaa nuqulka duubista iyo wixii dukumiinti ah. Iyadoo ay kuxirantahay mugga xogta la codsaday, waxaa jiri kara kharash la xiriira nugul ka bixinta dukumentiyada, inkasta oo xafiiska baaraha uu diiwaanada badankood u hayo si dijitaal ah.

Maxaa dhacaya dhageysiga kadib?

Toban maalmood oo maalmaha shaqada ah gudahood (oo macnaheedu tahay dhamaadka usbuucyada iyo ciidaha waa laga reebay) ee xiritaanka dhageysiga, baaraha wuxuu soo dirayaa go'aanka ugu dambeeya, oo ay ku jiraan natiijooyinka xaqiiqda ee ku saleysan diiwaanka dhageysiga iyo gunaanadka laga soo gaaray natiijooyinkaas. Waxay si buuxda u bixin kartaa rafcaanka, si buuxda u diidi kartaa rafcaanka, ama samayn kartaa wax intaas dhexdooda ah (wax ka beddelida xaaladaha, yareynta ganaaxa, iwm.).

Go'aannada baaraha waxay ku dhammaadaan iyadoo la bixinayo macluumaad guud oo ku saabsan sida rafcaan loo qaato. Baaraha ma bixin karo tilmaamo dheeraad ah oo dhaafsiisan macluumaadka qoraalka ah. Waa mas'uuliyadda racfaan qaatahay inuu soo ogaado uuna buuxiyo shuruudaha saxda ah ee gudbinta racfaanka.

Waa maxay habka saxda ah ee lagula xiriiro xafiiska baaraha?

In kasta oo aad baaraha kala xiriiri kartid su'aalaha *habraaca*, wixii su'aalo ama hadal ah ee la xiriira *nuxurka* arrinta waa in lagu soo hadal qaadaa shir ama dhageysi, ama lagu soo gudbiyaa qoraal oo loona diraa dhammaan qollooyinka ku lugta leh. Shaqaalaha baarahay ayaa baaraya waraaqaha iyo wicitaanada si looga hortago xiriirada la mamnuucay ee baaraha ay kula soo xiriirayaan qollooyinka lu lugta leh. Guud ahaan, iimaylada waa in loo diraa hearingexaminer@kingcounty.gov oo koobina loo diraa ForHireDriver@kingcounty.gov.

Sidee baaraha u xaqiijinayaa inaan helo dhageysi cadaalad ah?

Baarayaasha way ka madax banaan yihiin RALS, wax tixgelin ahna ma siiyaan RALS ama hay'ad kale. Baarayaasha maka qeybgeli karaan rafcaannada ay dano dhaqaale ku leeyihiin, horay usoo dhageystay/xukumay arrinta, ama u muuqato inay dhan u janjeeraan sababo la xiriira iay

cilaaqaad la leeyihiin dhank ka mid ah qollooyinka ku lug leh. Qofkii sababo macquul ah dartood u aaminsan in baaraha ay saameyn ku yeelan karto qodob/wax ka baxsan diiwaanka waa inuu si degdeg ah walaacaas ugu soo gudbiyaa baaraha.

Waa maxay qawaaniinta iyo sharciyada sida caadiga ah lagu dabaqo?

Waxaa badanaa fiican oo ku caawin kara inaad barato heerarka xukumaya habka go'aan gaarista, gaar ahaan cutubyada KCC 20.22 iyo 6.64 iyo xeerarka baaraha:

- Xeerarka Degmada King: http://www.kingcounty.gov/council/legislation/kc_code.aspx
- Xeerarka Baaraha: <http://kingcounty.gov/independent/hearing-examiner/rules.aspx>

Baarayaasha waxay aasaasiyan go'aamada ku saleeyaan ugu horrayn ilahaas, mabaadi'da dastuurka, iyo go'aannada maxkamadda racfaanka.

Wixii ku saabsan go'aanada baaraha ee la soo dhaafay, sanad kasta ah, ka eeg: <https://www.kingcounty.gov/independent/hearing-examiner/case-digest/appeals/for-hire-enforcement.aspx>.

Waad wici kartaa xafiiska baaraha si aad u weydiiso wixii su'aalo ah.

Wax laga bedelay Janaayo 2021